

## THE FORMATION OF IDEOLOGICAL AND IDEOLOGICAL IMMUNITY IS AN IMPORTANT CONDITION FOR THE FORMATION OF A HARMONIOUS PERSONALITY

Nadira Nazarkulovna Eshmanova

Senior teacher of Chirchik State Pedagogical University

### ABSTRACT

The article outlines the foundations of the formation of ideological and ideological immunity—the foundations of the formation of a harmonious personality, its special place in the historical development of mankind, the essence of ideological and ideological struggle, the conflict of ideological interests.

**Keywords:** ideological and ideological, immunity, personality, humanity, historical progress, healthy worldview, personality psyche, terrorism, religious extremism, Wahhabism, separatism, nationalism, chauvinism, barbarism, spiritual debauchery, neo-fascism.

## ҒОЯВИЙ-МАҒҚУРАВИЙ ИММУНИТЕТНИ ШАҚЛЛАНТИРИШ–БАРКАМОЛ ШАХСНИ ШАҚЛЛАНТИРИШНИНГ МУҲИМ ШАРТИ

Нодира Назаркуловна Эшманова

Чирчиқ давлат педагогика университети катта ўқитувчиси

### АННОТАЦИЯ

мақолада ғоявий-мағқуравий иммунитетни шакллантириш–баркамол шахсни шакллантиришнинг томойиллари, инсоният тарихий тараққиётида ўзига хос ўрин, ғоявий-мағқуравий кураш, ғоявий манфаатлар ўртасидаги тўқнашувнинг туб моҳияти баён этилган.

**Калит сўзлар:** ғоявий-мағқуравий, иммунитет, шахс, инсоният, тарихий тараққиёт, соғлом дунёқараш, шахс руҳияти, терроризм, диний-экстремизм, ваҳҳобизм, сепаратизм, миллатчилик, шовинизм, варваризм, маънавий бузғунчилик, неофашизм.

## ФОРМИРОВАНИЕ ИДЕЙНО-МИРОВОЗЗРЕНЧЕСКОГО ИММУНИТЕТА – ВАЖНОЕ УСЛОВИЕ ФОРМИРОВАНИЯ ГАРМОНИЧНОЙ ЛИЧНОСТИ

Надира Назаркуловна Эшманова

Старший преподаватель Чирчицкого государственного педагогического университета

### АННОТАЦИЯ

В статье изложены основы формирования идеологическо-идеологического иммунитета—основы формирования гармоничной личности, ее особое место в историческом развитии человечества, сущность идейно-идеологической борьбы, конфликта идеологических интересов.

**Ключевые слова:** идейно-идеологический, иммунитет, личность, человечество, исторический прогресс, здоровое мировоззрение, психика личности, терроризм,

религиозно-экстремизм, ваххабизм, сепаратизм, национализм, шовинизм, варварство, духовный разврат, неофашизм.

Ўзбекистон Республикаси Президентининг 2021 йил 26 мартдаги “Маънавий-маърифий ишлар тизимини такомиллаштириш чора-тадбирлари тўғрисида”ги қарорида бу борада қатор устувор йўналишлар белгилаб берилди. Эзгулик ва инсонпарварлик тамойилига асосланган “Миллий тикланишдан – миллий юксалиш сари” ғоясини кенг тарғиб этиш орқали жамиятда соғлом дунёқараш ва бунёдкорликни умуммиллий ҳаракатга айлантириш; эл-юрт тақдирига лоқайдлик, маҳаллийчилик, уруғ-аймоқчилик, коррупция, оилавий қадриятларга беписандлик ва ёшлар тарбиясига масъулиятсизлик каби иллатларга барҳам беришга қаратилган комплекс чора-тадбирларни амалга ошириш; Интернет жаҳон ахборот тармоғидаги ғоявий ва ахборот хуружларига қарши аҳолининг, энг аввало, ёшларнинг мафкуравий иммунитетини кучайтириш каби йўналишлар шулар жумласидандир.

Шахсни муайян ғоя, мафкурага тобе қилишга қаратилган ҳаракатлар инсоният тарихий тараққиётида ўзига хос ўрин тутди. Инсониятнинг бу йўлдаги ҳаракати кўп ҳолларда турли қуроллар – қилич-қалқон, найза, тўқмоқ, кейинчалик эса ўқотар қуроллардан фойдаланишга асосланган. Камдан кам ҳолатларда эса шахсни муайян мафкура ва ғоя таъсирига тортиш унга руҳий таъсир этиш орқали амалга оширилган. Бироқ, замонавий дунёда ана шу бўйсундириш борасида катта тажриба тўпланди. Инсониятнинг бу тажрибаси ягона ном билан “ғоявий-мафкуравий кураш” деб номланмоқда.

Ғоявий-мафкуравий кураш шахс руҳиятига турли ғояларни сингдириш орқали унга кучли таъсир кўрсатиш, уни бошқариш йўлида амалга оширилаётган ҳаракатдир. Мустақиллик йилларида Ўзбекистоннинг жаҳонга юз тутиши унинг ҳудудига турли ахборот оқимларининг кириб келиши ҳамда уларнинг ўзаро тўқнашувини юзага келтирди.

Ўз моҳиятига кўра ғоявий-мафкуравий кураш, энг аввало, ёшлар онгига таъсир этишга, уларни ўз таъсир доирасига олишга йўналтирилади. Ўзида бузғунчи, ёт қарашларни ифода этган ғояларнинг ёшлар онгига таъсир этиши уларда қуйидаги сифатларнинг шаклланишига замин яратади:

1. Итоагўйлий, тобелик.
2. Мустақил фикрга эга бўлмаслик.
3. Вазиятни баҳолай олмаслик ва моҳиятини тушуниб етмаслик.
4. Муқаддас саналган қадриятлардан воз кечиш.
5. Яқинларига нисбатан бефарқлик, уларнинг ҳаёти учун масъулиятни зиммасига ола билмаслик.
6. Экстремистик ёки маънавий бузғунчилик асосларига эга ғояларга сўзсиз эргашиш.
7. Инсоният томонидан асрлар давомида қораланиб келган хатти-ҳаракатлар (Ватанга хиёнат, сотқинлик, одам ўлдириш, ўзгаларга қурол ўқталиш, кўр-кўрона манфур ғояларга эргашиш ва бошқалар)ни содир этиш.

Ёшларнинг ғоявий-мафкуравий кураш, ғоявий манфаатлар ўртасидаги тўқнашувнинг туб моҳиятини англай олмасликлари, шунингдек, миллий истиқлол ғояси мазмунини етарли даражада тушунмасликлари уларнинг ёт, бузғунчи ғоялар таъсирига тушиб қолишларига сабаб бўлади.

Таълим муассасалари ва оилаларда ташкл этилаётган маънавий-маърифий ишлар шахсда ғоявий иммунитетни шакллантиришда катта имкониятларга эга. Бу имкониятлар ижтимоий тарбия жараёнининг муайян дастурлар асосида, изчил, узлуксиз ва мақсадга мувофиқ ташкил этилиши, бу жараёнга жамоатчилик фаоллари, масъул ташкилотлар вакилларининг жалб этилиши билан белгиланади.

Шахснинг ғоявий-мафкуравий иммунитетини шакллантиришга қуйидаги масалаларга эътиборни қаратиш мақсадга мувофиқдир:

- шахс томонидан терроризм, диний-экстремизм, ваҳҳобизм, сепаратизм, миллатчилик, шовинизм, варваризм, маънавий бузғунчилик, неофашизм ҳамда наркобизнеснинг моҳияти, кўринишлари, аянчли оқибатлари ҳақидаги билимларнинг ўзлаштирилишига эришиш;

- унда мустақкам характер ва кучли иродани тарбиялаш эҳтиёжини қарор топтириш;

- шахснинг изчил равишда жисмоний тарбия билан шуғулланиш учун зарур шароитларни яратиб бериш;

- у томонидан маънавий-ахлоқий эътиқодга эга бўлиш йўлида амалий ҳаракатлар (илмий, илмий-оммабоп, оммабоп ва бадий асарларни ўқиш орқали дунёқарашини бойитиш, халқаро хабарлар билан изчил танишиб бориш асосида тафаккурини бойитиш, ижтимоий воқеа-ҳодисаларга нисбатан шахсий муносабатнинг шаклланишига эришиш, ўз-ўзини тарбиялаш ва қайта тарбиялаш ҳамда б.ш.)нинг амалга оширилишига эришиш;

- шахсга ижтимоий-фойдали меҳнатнинг аҳамиятини уқтириш ва ҳар қандай кўринишдаги меҳнат фаолиятига нисбатан ижобий муносабатни қарор топтириш.

Таълим ва тарбия жараёнларининг бирлигига эришиш орқали шахснинг терроризмга қарши курашни амалга оширувчи давлат органлари тўғрисидаги маълумотларни ўзлаштириб боришини таъминлаш ҳам ижобий натижа беради. Бинобарин, ҳар бир фуқародан огоҳлик талаб этилаётган мавжуд шароитда шахс шубҳали ҳолатлар юзасидан қайси ташкилот ёки шахсларга мурожаат қилишлари мумкинлигини билиб олишлари зарур.

Терроризмга қарши курашни амалга оширувчи давлат органлари қаторига қуйидагилар киради: Ўзбекистон Республикаси Миллий хавфсизлик хизмати; Ўзбекистон Республикаси Ички ишлар вазирлиги; Ўзбекистон Республикаси Давлат чегараларини ҳимоя қилувчи қўмита; Ўзбекистон Республикаси Давлат божхона қўмитаси; Ўзбекистон Республикаси Мудофаа вазирлиги ҳамда Ўзбекистон Республикаси Фавқулодда вазиятлар вазирлиги.

Таълим муассасаларида олиб борилаётган тарбиявий ишлар, уларнинг йўналиши, мазмуни ва натижалари ўқувчиларда ғоявий иммунитетни самарали шакллантиришда муҳим аҳамиятга эга. Шу сабабли тарбиявий ишлар режасини ишлаб чиқишга нисбатан жиддий эътибор қаратиш зарур. Бизнинг назаримизда, бу ўринда қуйидагиларга амал қилиш мақсадга мувофиқдир:

1. Тарбиявий ишлар режасида шахсда маънавий-ахлоқий сифатлар ва бунёдкорлик характерида эга ижтимоий-ғоявий кўникмаларни шакллантиришга ёрдам берувчи тадбирларнинг ўрин олиши, шунингдек, уларнинг изчил ва узлуксиз амалга оширилишини таъминлашга аҳамиятни қаратиш.

2. Тадбирларни ташкил этишда оила-маҳалла-таълим муассасалари-жамоатчилик ҳамкорлигига эришиш.
3. Тарбиявий тадбирларнинг самарали шакл, метод ва воситалар ёрдамида ташкил этилиши учун зарур шарт-шароитларни яратиш.
4. Тадбирларни амалга оширишда оммавий ахборот воситалари ёрдамида уларнинг кўрсатмалилик хусусиятига эга бўлишига эришиш.
5. Тарбиявий тадбирларнинг мулоқот, ўзаро фикр алмашиш, шахсий фикрларни эркин баён этиш каби усуллар ёрдамида ташкил этилишига аҳамиятни қаратиш.
6. Тадбирларни уюштиришда мажбурийлик, режанинг бажарилиши учунгина ташкиллаштириш, уларнинг стандарт кўринишга эга бўлиши каби ҳолатларни инкор этиш ва б.

Шахсда ғоявий иммунитетни шакллантиришга қаратилган тадбирларда уларнинг фаол иштироки асосида ташкил этилиши кутилган натижаларни беради. Шу сабабли тарбиявий ишларни режалаштиришда уларнинг фикр-мулоҳазалари билан танишиш, хоҳиш-истакларини ўрганиш, шунингдек, ҳар бир тадбирни ўтказишда уларнинг имкониятларидан самарали фойдаланиш ҳам муҳим аҳамиятга эга.

#### REFERENCES

1. Ўзбекистон Республикасининг Конституцияси. – Т.: Ўзбекистон, 2019. – 46 б.
2. Ўзбекистон Республикаси Президентининг “Ёшларга оид давлат сиёсати самарадорлигини ошириш ва Ўзбекистон ёшлар иттифоқи фаолиятини қўллаб-қувватлаш тўғрисида” ги ПФ-5106 – сонли Фармони. 5 июль 2017 йил.
3. Ўзбекистон Республикаси Президентининг 2019 йил 8 майдаги “Ўзбекистон республикаси мактабгача таълим тизимини 2030 йилгача ривожлантириш концепциясини тасдиқлаш тўғрисида” ги ПҚ-4312-сонли Қарори.
4. Тарбия энциклопедия. Давлат илмий нашриёти. 2010. 526 б.
5. Umirovich A. O., Abdumajitovna A. S. (2020). The Role of Social Intelligence in Personality Maturity. *International Journal of Psychosocial Rehabilitation*, 24(4), 3983-3991.
6. Abdusalilova, S., & Qorayev, S. (2020). The Role of Pedagogical Technologies in the Formation of Students' Scientific Outlook. *European Journal of Molecular & Clinical Medicine*, 4377-4384.
7. Suleymanova, S. A. (2022). Dervish in Russian and Russian Language Literature. *International Journal Of Multidisciplinary Research In Science, Engineering and Technology*, 5(2), 365-366.
8. Сулейманова, С. А., & Шеркулова, Ш. (2022). К вопросу о концепте учителя в классической. *Central Asian Research Journal for Interdisciplinary Studies (CARJIS)*, 2(1), 433-437.
9. Сулейманова, С. (2022). Формирование личности учителя и отношение общества к учителю. *Экономика и социум*, 1045-1050.
10. Burkhonov, A., Avlaev, O., Abdusalilova, S., & Otaev, A. (2021). Responsibility as a criterion for determining personal maturity. In *E3S Web of Conferences* (Vol. 244, p. 11059). EDP Sciences.

11. Абдумажитовна, Ш., Эшманова, Н. Н. (2021). Ўзбекистон олий педагогик таълим муассасаларида мутахассислик фанларини ўқитиш кластери. *Scientific progress*, 1(4).
12. Abdujalilova, S. (2022). Abdurauf Fitrat's Interpretation of " Music Pedagogy" Issues in Pedagogical Education. *International Journal of Culture and Modernity*, 12, 41-45.
13. Abdujalilova, S., & Sodiqova, N. (2021). The concept of pedagogical education in the family in the works of abdurauf fitrat. *current research journal of philological sciences (2767-3758)*, 2(06), 46-50.
14. Абдужалилова, Ш.А. (2021). Абдурауф фитратнинг педагогик таълим таълимотидан фойдаланиш модули. *Central Asian Academic Journal of Scientific Research*, 1(3), 41-48.